



Klub poslanika Naša stranka – Nezavisni blok

Broj:

Sarajevo, 28.12.2020. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r gđa. Borjana Krišto, predsjedavajuća

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIENO: 28.12.2020

Organizaciona jedinica	Klasifikaciona oznaka	Redni broj	Broj priloga
01-50-1	15	-2518	20

Na osnovu člana 170. stav (1) Poslovnika Predstavničkog doma Parlamentarne skupštine BiH (prosljeđivanje na nadležno postupanje), podnosim

**POSLANIČKU INICIJATIVU
ZA NAČELNIKA OPĆINE CENTAR, SARAJEVO I
OPĆINSKO VIJEĆE OPĆINE CENTAR, SARAJEVO**

U prilogu dostavljam idejno rješenje/projekat za uređenje Parka Jelena Vitas, koji su izradile Prof. dr. Tatjana Ljujić Mijatović i Dipl.ing. Sabina Biser Hajdarević, te molim nadležno postupanje Općine Centar s ciljem implementacije ovog projekta na navedeni ili drugi prikladan način.

Obrazloženje:

Park Jelena Vitas je dobio ovaj naziv na moju Inicijativu, koju sam u svojstvu Poslanika u Predstavničkom domu Parlamentarne skupštine Bosne i Hercegovini podnio Općini Centar 1.2.2019. godine (br. 01-50-1-268/19). Navedena Inicijativa je podržana od strane Savjeta MZ Trg Oslobođenja-Centar 10.04.2019., usvojena je na 38. sjednici Općinskog vijeća Centar od 30.05.2019., te je na prijedlog Komisije za obilježavanje, čuvanje i njegovanje historijskih događaja i ličnosti Skupštine Kantona Sarajevo od 29.08.2019. usvojena na 13. Radnoj sjednici Skupštine Kantona Sarajevo 25.09.2019. Postavljanje table sa novim nazivom parka (Park Jelena Vitas) obavljeno je 5.12.2019., na 100. godišnjicu rođenja Jelene Vitas.

Ovo je prva i jedina Inicijativa koja se tiče naziva ulica/trgova/parkova/ustanova/drugih javnih površina koja je usvojena od strane nižih nivoa vlasti nakon prijedloga upućenog iz Parlamentarne skupštine Bosne i Hercegovine. Kako je u Inicijativi tada navedeno, Jelena Vitas je od samog početka nacističke okupacije aktivno učestvovala u Narodnooslobodilačkom pokretu u Sarajevu. Zbog antifašističkih aktivnosti u decembru 1942. uhapsile su je ustaške vlasti koje su je do sredine 1943. mučili i ispitivali u sjedištu Ustaške narodne službe (UNS) u Sarajevu. Pored dugih i mučnih tortura, nije odala svoje saborce. Prebačena je ustaški koncentracioni logor Jasenovac, gdje je krajem 1944. i pogubljena.



Klub poslanika Naša stranka – Nezavisni blok

Navedeno sjedište UNS nalazilo se u zgradi u današnjoj ulici Čemaluša koja direktno gleda na navedeni park, a Jelena Vitas je tokom zatočeništva na tavanu te zgrade, te isljeđivanja u prostorijama ispod, svakodnevno mogla vidjeti taj prostor. Kako je i u priloženom porjektu navedeno, postojeće idejno rješenje parka se “ne uklapa u ambijentalnu cjelinu te namjenu parka spomen-obilježja Jeleni Vitas,” te i da “Generalno se može reći da je park u lošem stanju i sa aspekta održavnja.”

Priloženi projekat se fokusirao na hortikulturno uređenje. Mobilijar za igru stoga nije preciziran u istom, ali je ostavljen prostor za postavljanje svih rekvizita za igru koji i trenutno postoje (dva tobogana, jedan set sa dvije ljuljačke, jedna klackalica i dva individualna konjića).

Prostor za igru i mobilijar je ciljano zamišljen na travnatoj površini. Zapadna je praksa, naime, da se u parkovima u gradskim centrima igra odvija na travnatim površinama, čime se postižu dva cilja: značajno se smanjuje mogućnost za povrede (pogotovo u poređenju sa trenutnom površinom koja se sastoji od oštih kamenčića), te se maksimizira kvadratura zelenih površina. Uticaj hodanja po zelenim površinama je zanemariv po zdravlje istih ukoliko se redovno održavaju i zalijevaju, pogotovo uzimajući u obzir da bi alternativa (kamenite ili gumene površine) svakako rezultirala u značajnom smanjenju zelenih površina.

Napominjem da sam i tokom kampanje za prihvatanje Inicijative za imenovanje parka po Jeleni Vitas u više navrata u medijskim istupima istakao da se gđa. Tatjana Ljujić-Mijatović obavezala uraditi idejno rješenje/projekat na *pro bono* osnovi ukoliko Inicijativa bude usvojena, a što je i ispunjeno. Troškovi realizacije ovog projekta su, stoga, u startu značajno umanjeni. Ukoliko, međutim, Općina Centar nije u stanju samostalno finansirati troškove uređenja, molim da me o tome obavijestite, te ću se u tom slučaju vrlo rado uključiti u zagovaranje međunarodnog finansiranja. Imenovanje parka po Jeleni Vitas ima izuzetan značaj po promociju antifašističkih vrijednosti Sarajeva na međunarodnom nivou (vijest o otkrivanju ploče je objavljena u regionalnim medijima, kao i na zvaničnoj web stranici Spomen područja Jasenovac), te se može očekivati interes međunarodnih partnera za učešće u istom.

U svakom slučaju, ostajem na daljem raspolaganju po ovom pitanju i radujem se realizaciji ove i drugih inicijativa koje za cilj imaju promovisati antifašističke vrijednosti Sarajeva i Bosne i Hercegovine uopće.

S poštovanjem,


Damir Arnaut

Poslanik u Predstavničkom domu

PROJEKAT IDEJNOG HORTIKULTURNOG RJEŠENJA
SKVER JELENA VITAS

Projektanti:

Prof. dr. Tatjana Ljujić Mijatović

Dipl.ing. Sabina Biser Hajdarević

juli 2020., Sarajevo

TEHNIČKI OPIS

Idejnim hortikulturnim rješenjem je obuhvaćen skver Jelena Vitas koji se nalazi u centru Sarajeva, na uglu ulica Ćemaluša i Branilaca Sarajeva. Park je površine cca 900m².

Postojeće kompoziciono rješenje gradskog parka je u pejzažnom stilu sa dječijim igralištem u centralnom dijelu koje je popunjeno kamenom frakcijom i koje se ne uklapa u ambijentalnu cjelinu te namjenu parka spomen-obilježja Jeleni Vitas. Generalno se može reći da je park u lošem stanju i sa aspekta održavnja.

Prije izrade novog idejnog hortikulturnog rješenja izvršena je ocjena stanja u pogledu prisustva i kvaliteta postojeće vegetacije. Predlažemo da se postojeća stabla, grmlje i živa ograda zadrže (kao npr. Cotoneaster, Spirea) te samo uklone grmovi koji su lošeg zdravstvenog stanja. Popuna novim vrstama ukrasnog drveća i grmlja je vršena na način da se cijelom parkovskom ansamblu obezbijedi lijep izgled u proljetnom, ljetnom, jesenjem i zimskom periodu. Također, potrebno je izvršiti i dopunu postojeće žive ograde od hibiskusa te izvršiti sadnju nove, odnosno nastaviti cijelom dužinom parka kako bi se sam prostor parka akcentirao.

Od zimzelenih vrsta predlaže se, između ostalog, sadnja srebrene smreke i juniperusa, koji ima horizontalni položaj habitusa i koji u ovom slučaju ima ulogu pokrivača tla, a u cilju postizanja vizuelnog efekta i u toku zimskog perioda.

Centralni dio parka koji je reprezentativnog karaktera, a posebno zbog izloženosti velikoj frekvenciji prolaznika, osvježili smo prisustvom cvjetnih gredica i novog travnjaka gdje je ostavljen prostor za skulpturu ili fontanu.

Sezonsko cvijeće (jednogodišnje i dvogodišnje) se smjenjuje u toku godine čime se ovom parku obezbjeđuje uvijek nov vizuelni efekat. Prilikom izbora sezonskog cvijeća potrebno je voditi računa o skladu boja.

Skrećemo pažnju investitoru da obezbijedi sredstva koja bi se nakon realizacije projekta parka usmjerila za njegovo održavanje, Ovo je potrebno zbog obezbjeđenja funkcija koje su bitne za ovakvu vrstu parkovske aglomeracije: dekorativno estetske i kupturno prosvjetne.

SPECIFIKACIJA BILNOG MATERIJALA

UKRASNO DRVEĆE - BJELOGRIČNO

- 1 *Acer platanoides* 'Crimson King'

kom 2

ukupno: 2

UKRASNO DRVEĆE - CRNOGORIČNO

- 2 *Picea pungens* Engelm. cv. "Glauca"

kom 3

ukupno: 3

UKRASNO GRMLJE - CRNOGORIČNO

- a. *Juniperus horizontalis* Mnch.

kom 15

ukupno: 15

SEZONSKO CVIJEĆE

- b. sezonsko cvijeće

kom 600


ukupno: 600

PREDMJER RADOVA

	OPIS	JED.MJERE.	KOLIČINA	CJENA
1	Uklanjanje kamene frakcije i mobilijara dječijeg igrališta	paušal	1	
2	Izrada pješačke staze sistemom polaganja betonskih ploča, sa svim uključenim prethodnim radovima, po nalogu naručioca	m2	130	
3	Prekopavanje zemljišta na dubini od 30 cm, te grubo i fino planiranje sa razastiranjem plodne zemlje uključujući i đubrenje	m2	770	
4	Nabavka i doprema stablašica prema specifikaciji starosti 5-8 god. <u>bijelogrica</u> (min. visina 2 m i prsnog promjera 7 do 10 cm), <u>crnogorica</u> (min. visine 2m).	kom kom	2 3	
5	Iskop jama za sadnju stablašica veličine 1,0x1,0x0,8, nasipanje plodne zemlje izmješanje sa stajskim đubrivom i mineralnim đubrenjem NPK, uključujući kolac za povezivanje	kom	5	
6	Nabavka i doprema grmlja starosti 3 do 5 god. prema specifikaciji <u>crnogorično</u>	kom	15	
5	Iskop rupa za sadnju grmlja veličine 0,5x0,5x0,5 m sa sadnjom i đubrenjem	kom	15	
7	Priprema tla za formiranje gređice uključujući kompostiranje i malčovanje, te nabavku, dopremu i sadnju sezonskog cvijeća	m2	24	

8	Sjetva odgovarajuće travne smjese, sa prethodnim radnjama unakrsnog valjanja i prvog zaljevanja	m2	730	
---	---	----	-----	--

DETALJ - SKVER JELENA VITAS



Idejno hortikturno rješenje skvera Jelene Vitas
MJ=1:200

LEGENDA

	Padobna drveća
	Podobna grmlje
	Ukrasna listopadna drveća
	Ukrasna zimzeleno drveće
	Ukrasna amogolna grmlje
	Decemna oviske
	Trnjak

